



Ny Iraka

William Marrion Branham

Ny Iraka

Ho an'ny

Taonan'ny Fiangonana Laodikia

Apokalypsy 3:14-22

Ary soraty ho amin'ny anjelin'ny fiangonana any Laodikia: Izao no lazain'ny Amena, dia Ilay Vavolombelona Mahatoky sy Marina, Izay niandohan'izao zavatra Noharin'Andriamanitra izao;

Fantatro ny asanao, fa tsy mangatsiaka na mafana ianao: Aleoko ho mangatsiaka na ho mafana ianao.

Fa satria matimaty ianao, ka tsy mafana na mangatsiaka, dia efa Haloan'ny Vavako ianao.

Fa hoy ianao, manan-karena aho, sy efa nihary fananana be, ka tsy manan-java-mahory; kanjo tsy fantatralo fa ianao no ilay ory, sy mahantara, sy malahelo, sy jamba, ary mitanjaka:

Dia manoro hevitra anao Aho hividy Amiko volamena voadio tamin'ny afo, mba hanan-karena ianao; ary fitafiana fotsy, mba hotafinao, ary tsy hisehoan'ny henatralo noho ny fitanjahana; ary odi-maso hahosotrao ny masonao, mba hahiratanao.

Izay rehetra Tiako, no Anariko sy Faizako: koa dia mazotoa ianao, ka mibebaha.

Indro, efa mitsangana eo am-baravarana Aho, ka mandondona: raha misy mihaino ny Feoko, ka mamoha ny varavarana, dia hiditra ao aminy Aho, ka hiara-misakafo aminy, ary izy Amiko.

Izay maharesy dia Havelako hiara-mipetraka Amiko eo ambonin'ny Seza fiandrianako, dia tahaka ny Nandresekoka, sy ny Niarahako nipetraka amin'ny Raiko eo ambonin'ny Seza fiandrianany.

Izay manan-tsofina, aoka izy hihaino izay lazain'ny Fanahy amin'ny fiangonana.

Ny Iraka

Ataoko fa tsy mbola nisy taona nahalala izay iraka nalefan'Andriamanitra ho azy, ankoatry ny taona voalohany izay nanana an'i Paoly ho iraka. Ary na dia tamin'io taona io aza dia betsaka no tsy nahafantatra azy hoe ho an'ny inona moa izy.

Fa ny taona iainantsika ankehitriny dia tena ho fohy. Handeha faingana ny trangan-javatra rehetra. Koa ny iraka ho an'ity Taonan'ny Laodikia ity dia tokony efa ho eo ankehitriny, na dia mbola tsy fantantsika aza angamba izy io. Nefa azo antoka fa hisy fotoana izay tsy maintsy ahafantarana azy. Eny azoko porofoina izany satria manana an'ireo Soratra Masina mamaritra ny asam-panompoany isika.

Voalohany indrindra, io iraka io dia ho mpaminany. Hanana ny andraikirity ny mpaminany izy. Hanana asa-panompoana ara-paminaniana izy. Izany asam-panompoana izany dia hiorina mafy eo amin'ny Tenin'Andriamanitra satria rehefa haminany izy na handray fahitana, dia "hifototra amin'ny Tenin'Andriamanitra" hatrany izany ary ho tanteraka HATTRANY. Ho voamarina ny maha-mpaminany azy noho ilay tena fahamarinany. Ny porofo fa mpaminany izy io dia hita ao amin'ny Apokalypsy 10:7, "Fa amin'ny andro hitsofan'ny iraka fahafito rehefa hitsoka izy, dia ho tanteraka ny zava-miafina izay an'Andriamanitra araka izay Nambarany tamin'ny Mpanompony, ny mpaminany." Eto io olona io, izay antsoina hoe "anjely" eo amin'io andininy io araka ny dika-tenin'i Mpanjaka Jacques dia TSY vatana avy any an-danitra. Ilay anjely mitsoka trompetra fahenina, izay avy any an-danitra, dia hita ao amin'ny Apokalypsy 9:13, ary ny fahafiton'izy io kosa dia hita ao amin'ny Apokalypsy 11:15. Ity anankiray eto amin'ny Apokalypsy 10:7 ity dia ny iraky ny taona fahafito ary olona izy io, ary izy dia hitondra hafatra avy amin'Andriamanitra, ary ny hafany sy ny asam-panompoany no handeha hamarana ny zava-miafin'Andriamanitra araka izay nambara tamin'ireo Mpanompony, ireo mpaminany. Andriamanitra dia hiasa amin'io iraka farany io toy ny mpaminany SATRIA MPAMINANY IZY. Izay no naха-izy an'i Paoly tao amin'ny taona voalohany, ary manana anankiray koa ny taona farany. Amosa 3:6-7, "Tsosina va ao an-tanàna ny anjomara, ka tsy hatahotra ny vahoaka? Misy loza ao an-tanàna va, raha tsy ny Tompo no nahatonga izany? Tsy manao na inona na inona tokoa ny Tompo, raha tsy milaza ny Heviny amin'ny Mpanompony, ireo mpaminany."

Fa ao amin'ny vanim-potoanan'ny andro farany no ahatongavan'ireo kotrokorana fiton'i Jesosy. Apokalypsy 10:3-4, "Ary niantso tamin'ny feo mahery izy, tahaka ny fieron'ny liona: ary nony niantso izy, dia nikotroka ny kotrokorana fito. Ary rehefa nikotroka ny kotrokorana fito, dia efa hanoratra aho: kanjo nahare feo avy tany an-danitra aho nanao hoe, Asio tomba-kase izay efa notononin'ny kotrokorana fito, fa aza soratana." Tsy misy olona nahafantatra ny tao anatin'ireo kotrokorana ireo. Nefa ilaintsika ny mahafantatra. Ary tsy maintsy ho mpaminany no hahazo ny fanambarana satria Andriamanitra tsy manana fomba hafa hamoahana an'ireo Fanambarany ao amin'ny Soratra Masina raha tsy amin'ny alalan'ny

mpaminany ihany. Tamin'ny alalan'ny mpaminany hatrany no nihavian'ny Tenin'Andriamanitra ary ho izay hatrany. Fa io no lalàn'Andriamanitra mazava ka ampy ho porofon'ny fandinihana ny Soratra Masina momba izany. Ilay Andriamanitra tsy miova miaraka amin'ny fanao tsy miova dia tsy niovaova fa nandefa ny Mpaminaniny tamin'ny taona rehetra izay nanalaviran'ny vahoaka ny fitsipik'Andriamanitra. Rehefa samy niodina tamin'ny Tenin'Andriamanitra ireo teolojiana sy ny olona, dia nandefa ny Mpanompony hatrany Andriamanitra tamin'ireo vahoaka ireo (saingy tsy amin'ny alalan'ireo teolojiana) mba hanitsy ireo fampianaran-diso ka hitarika ny olona hiverina amin'Andriamanitra.

Koa hitantsika ny fahatongavan'ny iraky ny taona fahafito, ary mpaminany izy io.

Tsy hoe hitantsika fotsiny ny fahatongavan'io iraka eto amin'ny Apokalypsy 10:7 io, fa hitantsika koa ny Teny miresaka ny fiavihan'i Elia alohan'ny hiverenan'i Jesosy. Ao amin'ny Matio 17:10, "Ary ny Mpianany nanontany Azy, ka nanao hoe, Nahoana ary no ilazan'ny mpanora-dalàna fa Elia tsy maintsy ho avy aloha?" Ary Jesosy nanao hoe, "Elia dia avy ihany, ka hampody ny zavatra rehetra." Mialoha ny fiavihan'ny Tompontsika, dia tsy maintsy miverina ho an'ny asa fampodiana ao amin'ny fiangonana i Elia. Izay no mahatonga ny Malakia 4:5 [Malakia 3:23 Baiboly Malagasy—Mpand.] manao hoe, "Indro Izaho haniraka an'i Elia mpaminany ho aminareo dieny tsy mbola tonga ny andron'ny Tompo ilay lehibe sady mahatahotra: ary izy hampody ny fon'ny ray ho amin'ny zanaka, ary ny fon'ny zanaka ho amin'ny rainy, fandrao ho avy Aho hamely ny tany amin'ny fandringanana." Tena tsy hisalasalana mihitsy fa tsy maintsy miverina Elia mialoha ny fiavilan'i Jesosy. Manana asa manokana hotanterahaana izy. Izany asa izany dia ny ampahany ao amin'ny Malakia 4:6 [Malakia 3:24 Baiboly Malagasy—Mpand.] izay milaza hoe, "izy hampody ny fon'ny zanaka ho amin'ny rainy." Ny antony ahafantarsika fa io no asa manokana ataony amin'izany fotoana izany dia satria efa vitany ilay ampahany manao hoe "izy hampody ny fon'ny ray ho amin'ny zanaka," raha mbola tao amin'i Jaona Mpanao-batisa ny asam-panompoan'i Elia. Lioka 1:17, "Ary izy handeha eo Alohangy amin'ny Fanahy sy ny herin'i Elia, mba hampody ny fon'ny ray ho amin'ny zanaka, ary ny tsy manoa ho amin'ny fahendren'ny Marina, hamboatra firenena voaomana ho an'ny Tompo." Tao amin'ny asa-panompoan'i Jaona ilay "ny fon'ny ray nampodiana tamin'ny zanaka." Fantantsika izany satria Jesosy no nilaza an'izany. Kanefa tsy voalaza eto fa ny fon'ny zanaka no hampodiana amin'ny rainy. Fa tokony mbola hisy izany. Ny fon'ny zanaka amin'ny andro farany hampodiana amin'ny ray tamin'ny Pentekosta. Jaona dia nanomana an'ireo ray mba ahafahan'i Jesosy mandray an'ireo zanaka ho ao am-bala. Ankehitriny io mpaminany ilatsahan'ny Fanahin'i Elia io no hanomana ireo zanaka mba handray indray an'i Jesosy.

Jesosy no niantso an'i Jaona Mpanao-batisa hoe, Elia. Matio 17:12, "Nefa Lazaiko aminareo efa tonga sahady Elia, nefy ny olona tsy nahafantatra azy, fa nanao izay sitraky ny fony taminy." Ny antony niantsona an'i Jaona ho Elia, dia satria ilay Fanahy teo amin'i Elia ihany no niverina teo amin'i Jaona, ary toy izany koa no niverenan'io Fanahy io tao amin'ny Elisa tao aorinan'ny nanjakan'i Mpanjaka Ahaba. Ankehitriny dia hiverina eo amin'ny olona hafa indray mandeha koa izany Fanahy izany

mialoha kelin'ny fihavian'i Jesosy. Ho mpaminany izy io. Andriamanitra no hanamarina azy ho toy izany. Koa satria Jesosy, Izy Tenany, tao amin'ny nofo dia tsy ho eo mba hanamarina azy, (toy ny Nataony tamin'i Jaona) dia ny Fanahy Masina no hanao an'izany mba hahatonga an'io asam-panompoan'ny mpaminany io ho arahina fanehoana lehibe sy mahatalanjona. Amin'ny maha-mpaminany, ny fanambarana rehetra dia ho voamarina, satria ho tanteraka ny fanambarana rehetra. Fanehoan-kery mahatalanjona no haseho araka izay didin'ny finoany. Avy eo dia hitondra ny hafatra nomen'Andriamanitra azy ao amin'ny Tenin'Andriamanitra izy mba hamerenana ny olona amin'ny fahamarinana sy ny tena herin'Andriamanitra. Misy ny hihaino, saingy ny ankamaroany dia hanao tahaka izay efa nisy hatramin'izay ka hanary izany.

Koa satria io mpaminany iraka amin'ny Apokalypsy 10:7 io dia ilay ao amin'ny Malakia 4:5-6 ihany [Malakia 3:23-24, Baiboly Malagasy—Mpand.] dia hitovy toetra amin'i Elia sy Jaona izy io. Izy roa ireo dia lehilahy samy tsy nikambana tamin'ny sekoly ara-pivavahana fantatra tamin'ny androny. Izy roa ireo dia lehilahy samy tia tany efitra. Izy roa ireo dia samy nanao zavatra rehefa nandray ny "Hoy ny Tompo hoe," fotsiny ihany avy tamin'Andriamanitra avy hatrany tamin'ny alalan'ny fanambarana. Izy roa ireo dia samy nanameloka mafy an'ireo lamina ara-pivavahana sy ireo mpitondra fivavahana tamin'ny androny. Ary tsy izany ihany, fa nanameloka mafy ihany koa an'ireo izay ratsy toetra na izay nahatonga ny hafa ho ratsy toetra izy ireo. Ary mariho, fa izy roa ireo dia samy naminany im-betsaka nanohitra an'ireo vehivavy ratsy fitondran-tena sy ireo toetrany. Niteny mafy an'i Jezebel i Elia, ary Jaona nananatra an'i Herodiasy, vadin'i Filipo.

Na dia tsy halaza aza izy, dia ho hamarinin'Andriamanitra. Tahaka ny nanamarinan'i Jesosy an'i Jaona, sy ny nanamarinan'ny Fanahy Masina an'i Jesosy, afaka manantena tsara isika fa io lehilahy io dia ho hamarinin'ny Fanahy izay hiasa ao amin'ny fainainy amin'ireo asa mahery tsy azo hiandian-kevitra sady tsy hita n'aiza n'aiza mihitsy; ary Jesosy Tenany, rehefa miverina, no hanamarina azy, tahaka ny Nanamarinany an'i Jaona. Jaona dia nanambara fa avy Jesosy,—ary toy izany ity lehilahy ity, tahaka an'i Jaona, hanambara avy Jesosy. Ary ny fiverenan'i Kristy mihitsy no hanaporofa fa io lehilahy io tokoa no mpialoha lèlana ny Fihaviany faharoa. Izay no porofo farany fa izy io tokoa ilay mpaminany voalazan'i Malakia 4 [Malakia 3, Baiboly Malagasy—Mpand.], satria ny faran'ny vanim-potoana ho an'ny Jentilisa dia ho Jesosy, Izy Tenany, miseho. Ka ho tara loatra izany ho an' ireo izay nanary azy.

Mba hampazava kokoa ny fanehoantsika ny mpaminanin'izao andro farany izao, dia ndeha hamaritra manokana fa ny mpaminany ao amin'ny Matio 11:12, dia Jaona Mpanao-batisa, izay voalaza mialoha ao amin'ny Malakia 3:1, "Indro, haniraka ny Irako Aho, ary izy hanamboatra lèlana eo Alohalo; ary ny Tompo, Izay tadiavinareo, dia ho avy tampoka ho eo an-Tempolin; ary ny Anjelin'ny Fanekena, Izay irinareo; indro, tamy Izy, hoy ny Tompon'ny maro." Matio 11:1-12, "Ary niseho izany, rehefa nandidy ny Mpianany roa ambin'ny folo lahy Jesosy, dia niala teo Izy hampianatra sy hitory teny any an-tanànan'ny olona. Ary rehefa ren'i Jaona tao an-tranomaizina ny asan'i Kristy, dia naniraka ny mpianany izy, ary nanao Taminy hoe, Ianao va no Ilay ho avy, sa mbola hafa no

andrasantsika? Jesosy namaly ka nanao taminy hoe, Mandehana ianareo ka ambarao amin'i Jaona izao renareo sy hitanareo izao: mahiratra ny jamba, ary mamindra ny mandringa, madio ny boka, ary malady ny marenina, nitsangana ny maty, ary ny malahelo dia nitoriana ny Filazantsara. Ary sambatra izay, tsy ho tafintohina noho ny Amiko. Ary nony lasa ireny, dia vao nilaza an'i Jaona tamin'ny vahoaka Jesosy ka nanao hoe, Hizaha inona no nivoahanareo nankany an'efitra? Volutara nohozongozonin'ny rivotra va? Sa hizaha inona no nivoahanareo? Olona mitafy soa va? Indro, ny mitafy soa dia ao an-tranon'ny mpanjaka. Sa hizaha inona no nivoahanareo? Mpaminany va? eny, hoy Izaho aminareo, sady mihoatra lavitra noho ny mpaminany. Izy no ilay, araka ny voasoratra. Indro, Izaho maniraka ny Irako hialoha Anao, izay hamboatra ny Lèlanao eo Alohanao. Lazaike aminareo marina tokoa, Amin'izay nateraky ny vehivavy tsy mbola nisy nitsangana izay lehibe noho Jaona Mpanao-batista: nefà ny kely indrindra amin'ny fanjakan'ny lanitra dia lehibe noho izy." Efa niseho izany. Efa nitranga izany. Efa vita izany. Fa mariho ankehitriny ao amin'ny Malakia 4:1-6, [Malakia 3:19-24, Baiboly Malagasy—Mpand.] "Fa indro, avy ny andro, mandoro toy ny fatana fandoroana izy; ary ny mpirehareha rehetra, eny, sy ny mpanao ratsy rehetra, dia ho vodivary; ka dia handoro azy ny andro izay ho avy, hoy ny Tompon'ny maro, ka tsy hisy miangana na ny fàkany na ny sampany. Fa ho anareo izay matahotra ny Anarako kosa dia hiposaka aminareo ny Masoandron'ny Fahamarinana manana fansitranana ao amin'ny Elany; ary hivoaka ianareo, ka hifalihavanja toy ny zanak'omby mifahy. Ary hohitsahinareo ny ratsy fanahy; fa ho lavenona eo ambanin'ny faladianareo izy amin'ny andro izay Hotendreko, hoy ny Tompon'ny maro. Tsarovinareo ny lañan'i Mosesy Mpanompoko, izay Nandidiako azy tao Horeba ny amin'ny Isiraelsy rehetra, miaraka amin'ny didy sy ny fitsipika. Indro, Izaho haniraka an'i Elia mpaminany ho aminareo dieny tsy mbola tonga ny andron'i Tompo ilay lehibe sady mahatahotra: Ary izy hampody ny fon'ny ray ho amin'ny zanaka, ary ny fon'ny zanaka ho amin'ny rainy, fandrao ho avy Aho hamely ny tany amin'ny fandringanana." Hitanareo, ao aorian'ny fahatongavan'IO Elia io avy hatrany, dia ho diovina amin'ny afô ny tany ary ireo ratsy fanahy dia ho tonga lavenona. Marina tokoa, fa TSY nitranga tamin'ny andron'i Jaona io (ilay Elia tamin'ny androny). Ny Fanahin'Andriamanitra izay naminany ny fahatongavan'ny iraka ao amin'ny Malakia 3:1 (Jaona) dia mamerina fotsiny ny Fanambarany arapaminianiana ny Isaia 40:3 natao taon-jato telo mialoha farafaha-keliny. "Ny feon'ny miantso mafy any an'efitra. Manamboara lèlana ho an'ny Tompo, manaova lèlambe any an-tany foana ho an'Andriamanitsika." Fa i Jaona, tamin'ny alalan'ny Fanahy Masina, no ilay feo izay voalazan'i Isaia sy Malakia ao amin'ny Matio 3:3, "Fa izy no nampilazaina an'Isaia mpaminany, hoe ny feon'ny miantso mafy any an'efitra, Amboary ny lèlana'ny Tompo, ataovy mahitsy ny Lalan-kalehany." Koa dia hitantsika tsara avy amin'ireo ireo Soratra Masina ireo fa ny mpaminany ao amin'ny Malakia 3, izay Jaona, dia TSY ilay mpaminanin'ny Malakia 4 [Malakia 3:23-24—Mpand.], na dia marina aza, fa i Jaona sy io mpaminanin'ny andro farany io dia samy manana ny Fanahy mitovy Izay teo amin'i Elia.

Fa io iraka voalazan'ny Malakia 4 [Malakia 3:23-24—Mpand.] sy Apokalypsy 10:7 io dia hanao zavatra roa. Voalohany: Araka ny Malakia 4 dia hampody ny fon'ny zanaka ho amin'ny ray izy. Faharoa: Izy no hanambara an'ireo zava-miafin'ny kotrokorana fito ao amin'ny

Apokalypsy 10 izay fanambarana ao anatin'ny tombokase fito. Izany dia ho ireo "zava-miafina-marina" voambaran'Andriamanitra izay hampody ara-bakiteny ny fon'ny zanaka ho amin'ny ray tamin'ny Pentekosta. Izany tokoa.

Fa mba fantaro koa izao. Io mpaminany-iraka io hitovy toetra sy fanao amin'i Elia sy Jaona. Ireo olona amin'ny andron'io mpaminany-iraka io dia hitovy amin'ireo tamin'ny andron'i Ahaba, sy tamin'ny an'i Jaona. Ary satria "IREO ZANAKA IHANY" no hampodiana ny fo, dia ireo zanaka ihany no hihaino. Tamin'ny andron'i Ahaba dia voa tena Israelita 7,000 ihany no hita. Tamin'ny andron'i Jaona dia vitsy kely koa. Ny ankamaroany tamin'ireo taona roa ireo dia niaina tao anatin'ny fijangajangan'ny fanompoan-tsampy.

Mbola te-hanao fampitahana anankiray ny amin'ilay mpaminany-iraka ho an'ny Laodikia sy Jaona aho, ilay mpaminany-iraka izay nialoha ny fihavin'i Jesosy voalohany. Ny olona tamin'ny andron'i Jaona nihevitra azy ho Mesia. Jaona 1:19-20, "Ary izao no nambaran'i Jaona, raha ny Jiosy naniraka mpisorona sy Levita avy tany Jerosalema mba hanontany azy hoe, Iza moa ianao? Ary nilaza marina izy, ka tsy nandà; fa hoy ny filazany, Tsy izaho no Kristy." Fa io mpaminany-iraka amin'ny andro farany io dia banana hery lehibe tokoa eo anatrehan'ny Tompo hany ka hisy ireo izay hihevitra azy ho Jesosy Tompo. (Hisy fanahy anankiray eto amin'izao tontolo izao amin'ny andro farany izay hamitaka ny sasany ka hampino azy an'io. Matio 24:23-26, "Fa hisy Kristy sandoka hitsangana, sy mpaminany sandoka, ka haneho famantarana lehibe sy fahagagana; ho maro izany, ary raha azo atao, na dia ny olom-boafidy aza dia hofitahiny. Indro, Voalazako aminareo rahateo izany. Ary amin'izany raha misy manao aminareo hoe, Indro, any an-efitra Izzy; aza mankany ianareo; indro, ao amin'izany efi-trano miafina Izzy; aza mino an'izany.") Nefa aza mino an'izany ianareo. Tsy Jesosy Kristy izy. Tsy ilay Zanak'Andriamanitra izy. IRAY AMIN'IREO RAHALAHY IZY, MPAMINANY, IRAKA, MPANOMPON'ANDRIAMANITRA. Izy dia tsy mila voninahitra hohoatra noho izay voarain'i Jaona fony izy ilay feo niantso mafy hoe, "Tsy izaho no Izzy; FA AVY AO AORIAKO IZY."

Alohan'ny hamaranantsika an'ity ampahany mikasika ny iraka ho an'ny Taonan'ny Laodikia ity, dia tsy maintsy fantarintsika tsara ireto fisainana roa ireto. Voalohany, ity taona ity dia hahazo Mpaminany-Iraka TOKANA. Apokalypy 10:7, milaza hoe, "Rehefa hitsoka izy (tokana)." Tsy mbola nisy mihtsy taona anankiray izay nanomezan'Andriamanitra mpaminany roa lehibe ho an'ny Vahoakany amin'ny fotoana iray. Nanome an'i Enoka Izzy (tokana); Nanome an'i Noa Izzy (tokana); Nanome an'i Mosesy Izzy (izy irery no nanana ny Teny na dia naminany aza ireo hafa); Jaona Mpanao-Batisa dia tonga TOKANA. Ary ilay amin'izao andro farany izao dia tsy maintsy MPAMINANY anankiray (tsy mpaminanivavy—na dia maro aza ny vehivavy mihevi-tena amin'izao taona izao ho mitondra ny fanambaran'Andriamanitra noho ny lehilahy), fa ilay Teny tsy mety diso no milaza fa izy (ny mpaminany) no hanambara an'ireo zava-miafina ho an'ny olon'ny andro farany, ka hampody ny fon'ny zanaka ho amin'ny ray. Misy ireo izay milaza fa ny vahoakan'Andriamanitra dia hikambana amin'ny alalan'ny *fanambarana iraisana*. Manohitra an'izany filazàna izany aho. Izany dia, fiheverana maivana sy tsy manan-kery eo anatrehan'ny

Apokalypsy 10:7. Eny tsy laviko akory fa haminany ny olona maro amin'io andro farany io ary mety sy ho marina tsara ny asa-panompoan'izy ireo. Tsy laviko fa hisy mpaminany toy ny tamin'ny andron'i Paoly rehetra nisy "Agabo anankiray mpaminany izay naminany mosary anankiray." Ekeko fa izany no izy. SAINGY LAVIKO EO ANATREHAN'NY VAVOLOMBELONA TSY METY DISO AN'NY TENIN'ANDRIAMANITRA NY HOE MIHOATRA NY IRAY NY MPAMINANY-IRAKA LEHIBE HANAMBARA AN'IREO ZAVA-MIAFINA ARAK'IZAY VOARAKITRA AO AMIN'NY TENIN'ANDRIAMANITRA, ARY MANANA NY ASA-PANOMPOANA HAMPODY NY FON'NY ZANAKA HO AMIN'NY RAY. "Hoy ny Tompo hoe" amin'ny alalan'ny Teniny tsy mety diso, ka ho marina hatrany sady ho voamarina. Tokana ny mpaminany-iraka ho an'izao taona izao. Raha mifotra amin'ny fitondra-tenan'ny olona, dia mahalala ny rehetra fa rehetra betsaka ny olona dia misy foana ny fisarahan-tsaina eo amin'ny antsipirihany madinika amin'ny fampianaranana lehibe iray izay iarahan'izy rehetra tazonina. Iza àry no hanana ny fahefan'ny tsy mety diso izay hampodina ao amin'izao taona farany izao, satria izao taona farany izao no hampisehona indray ilay Ampakarin'ny Teny Madio? Izany dia midika fa ho azontsika indray ny Teny araka izay tena nanomezana azy tanteraka, sy azo tsara tamin'ny andron'i Paoly. Holazaiko anareo hoe iza no hanana an'io. Ho mpaminany izay voamarina tanteraka tokoa io, na voamarina mihoatra lavitra aza noho ny mpaminany hafa tamin'ireo taona rehetra hatramin'i Enoka ka hatramin'izao andro izao, satria io lehilahy io no hanana ny asa-panompoana ara-mpaminanina ny amin'ny vato-tendrony, ary Andriamanitra haneho aminy hatrany. Tsy ilainy ny hanambara ny tenany, fa Andriamanitra no hiteny aminy amin'ny alalan'ny feon'ny famantarana. Amena.

Ny fisainana faharoa tsy maintsy ho voarakitra ao am-potsika dia ny hoe ireo taona fiton'ny fiangonana ireo dia nanomboka niaraka tamin'ny fanahin'ny antikristy tahaka ny Fanahy Masina Izay tokony ho voatahy mandrakizay. I Jaona 4:1, "Ry malala, aza mino ny fanahy rehetra, fa izahao toetra ny fanahy raha toa avy amin'Andriamanitra ireny: satria maro ny *mpaminany* sandoka efa lasa any amin'izao tontolo izao." Voamarikareo ve io? Ny fanahin'ny antikristy dia hita ao amin'ny mpaminany sandoka. Ireo taona ireo dia niditra niaraka tamin'ny mpaminany sandoka ary hivoaka hiaraka amin'ny mpaminany sandoka izy. Eny marina tokoa fa hisy ny TENA MPAMINANY SANDOKA izay amin'ny endrin'y rehetra araka ilay lehilahy voalaza ao amin'ny Apokalypsy. Fa raha ny eto alohan'ny hanambarana an'io dia hisy mpaminany sandoka maro hipoitra. Matio 24:23-26, "Koa raha misy manao aminareo hoe, Indro, aty Kristy, na ary; aza mino ianareo. Fa hisy Kristy sandoka hitsangana, sy mpaminany sandoka, ka haneho famantarana lehibe sy fahagagana; ary ho maro izany, ka raha azo atao, dia ny olom-boafidy aza dia hofitahiny. Indro, voalazako aminareo rahateo izany. Ary amin'izany raha misy manao aminareo hoe, Indro, any an-efitra Izy; aza mankany ianareo: indro, ao amin'ny efi-trano mafina Izy; aza mino." Ireo mpaminany sandoka ireo dia tena voatondro tsara ho antsika ao amin'ny andinin'ny maro hafa amin'ny Soratra Masina araka ireto manaraka ireto. II Petera 2:1-2, "Fa nisy mpaminany sandoka teo amin'ny olona, ary hisy koa mpampianatra sandoka tahaka izany eo aminareo, izay hahatonga mangingina sain-diso mahavery, ary handà ny Tompo Izay nividy azy aza ka hahatonga fahaverezana tampoka

ho amin'ny tenany. Ary maro no hanaraka ny fijejojejoany; ka ireny no hitenenan-dratsy ny lâlan'ny fahamarinana." II Timoty 4:3-4, "Fa ho avy ny andro izay tsy hahazakan'ny olona ny fampianaranana tsy misy kilema; fa araka ny filany dia hamory mpampianatra ho azy izy, hangidihidy sofina izy; Ary hampiala ny sofiny amin'ny teny marina tokoa izy, ka hivily ho amin'ny anganongano." I Timoty 4:1, "Fa ny Fanahy milaza marina, fa amin'ny andro aoriana dia hihemotra amin'ny finoana ny sasany, manaiky fanahy mamitaka, sy fampianaran'ny demonia." Eny amin'ireo rehetra ireo dia ho voamarikareo fa ny mpaminany sandoka dia olona izay ivelan'ny Tenin'Andriamanitra. Toy izay efa nanehoana taminareo fa ny hoe "antikristy" dia midika "anti Teny" koa ireo mpaminany sandoka ireo ary dia tonga hamadika ny Teny, ka manome ny dikany mifanaraka amin'ny sitrapon-devoliny. Efa mba voamarikareo ve hoe ahoana no hamatoran'ireo olona izay mitarika ny hafa ho any amin'ny fahaverezana ireo amin'ny alalan'ny tahotra? Lazain'izy ireo fa raha tsy manao izay lazainy ny olona, na miala izy ireo, dia hanaraka ny fahapothana. Mpaminany sandoka izy ireo, satria ny tena mpaminany dia hitondra hatrany ny olona eo amin'ny Tenin'Andriamanitra ka hamatotra ny olona eo amin'i Jesosy Kristy sady tsy hilaza amin'ny olona mba hatahotra azy na izay teneniny, fa hatahotra izay lazain'ny Tenin'Andriamanitra. Mariho ny fomba hizakazahan'ireo olona ireo amin'ny vola tahaka an'i Jodasy. Asainy hamidinareo avokoa izay anananareo mba homena azy sy izay sitrapony. Fotoana betsaka no laniany ho an'ny fanatitra noho izay ho an'ny Tenin'Andriamanitra. Ireo izay mitady hampiasa fanomezam-pahasoavana dia mampiasa ny fanomezam-pahasoavana miaraka amin'ny fahadisoana kely ao ka mangata-bola, manambany ny Tenin'Andriamanitra nefo dia miantsio an'izany hoe avy amin'Andriamanitra. Ary hanatona azy ireo ny olona, ka mahazaka azy ireo, sy manohana azy ireo, sady mino azy ireo, tsy mahalala akory fa lâlan'ny fahafatesana izany. Eny, feno mpaka-tahaka ara-nofo ny firenena. Amin'izao andro farany izao no hiezahan'izy ireo haka tahaka an'io mpaminany-iraka io. Ireo fito mirahalahy zanak'i Skeva dia niezaka naka tahaka an'i Paoly. Simona ombiasy dia niezaka naka tahaka an'i Petera. Ireo fakany tahaka ireo dia ho ara-nofo. Tsy ho vitany ny hamokatra izay vokarin'ilay tena mpaminany. Rehefa milaza izy io hoe tapitra ny fifohazana dia handeha eny rehetra eny izy ireo hilaza fanambarana lehibe hoe ny tena marina mihitsy izao no azon'ny olona ary Andriamanitra dia hanao zava-dehibe mihoatra sy mahatalanjona kokoa eo anivon'ny olona. Ary ho lavo amin'izany ny olona. Ireo mpaminany sandoka ireo ihany no hilaza fa ilay iraka amin'izao andro farany izao dia tsy teolojiana, koa tsy tokony henoina izy. Tsy vitan'izy ireo ny hamokatra izay vitan'ilay iraka; tsy ho hamarinin'Andriamanitra tahaka an'io mpaminany amin'ny andro farany io izy ireo, kanefa noho ireo fehezan-teny tsara lahatra sy ny lanjan'ny lazany maneran-tany dia hampitandrina mafy ny olona izy ireo mba tsy hihaino an'io lehilahy io (iraka) ary holazainy hoe mampianatra diso izy. Tena mizotra amin'ny lâlan'ny rainy tanteraka izy ireo, ny Fariseo, izay avy amin'ny devoly, satria nilaza izy ireo fa Jaona sy i Jesosy dia samy nampianatra diso.

Eny nahoana ireo mpaminany sandoka ireo no manohitra ny tena mpaminany ka manao tsinotsinona ny fampianaranany? Satria mihazakazaka izy ireo hanao toy izay nataon'ireo razambeny rehefa nanohitra an'i Mikaia izy ireo tamin'ny andron'i Ahaba. Efa-jato izy ireo *ary samy niray saina izy*

rehetra; ka samy nilaza zavatra mitovy, namitaka ny olona. Fa mpaminany TOKANA ihany—*tokana ihany*—no nanana ny marina fa ireo sisa rehetra diso avokoa satria TOKANA IHANY no nanoloran'Andriamanitra ny fanambarana.

Mitandrema amin'ny mpaminany sandoka, satria amboadia mitoha izy ireo.

Raha mbola misalasala ianareo ny amin'io dia angataho Andriamanitra hameno anareo amin'ny Fanahiny sy hitarika anareo, SATRIA NY TENA VOAFIDY DIA TSY HO VOAFITAKA. Azonareo ve izany? Tsy misy olona afaka hamitaka anareo. Paoly tsy nahavoafitaka voafidy na dia anankiray aza, na dia tao anatin'ny fahadisoana aza izy. Ary tao amin'ilay Taonan'ny Efesosy voalohany dia tsy voafitaka ny voafidy tao satria nozahan'izy ireo toetra ireo apostoly sy ireo mpaminany sandoka ary hitany fa mpandainga ka nolaviny ireo. Haleloia. Ireo Ondriny mihaino ny Feony ka manaraka Azy. Amena. Mino izany aho.



NY ANDRY AFO

Ny Andry Afo eo amin'ny lohan'i Rahalahy Branham dia azo sary tao Houston, Texas, ny Janoary 1950, ary nanaraka azy hatramin'ny nahaterahany tamin'ny 1909. Nandritry ny fotoana nanaovana batisa tamin'ny 1933 tao amin'ny Renirano Ohio tao Jeffersonville, Indiana, io Zavatra ivelan'ny voajanahary io dia niseho teo anatrehan'ny olona an-jatony maro, nanao taminy hoe, "Tahaka an'i Jaona Mpanao-batisa nialoha lâlana ny fiavihan'i Kristy voalohany, dia ianao no hialoha lâlana ny Fihaviany Faharao."

Ity Hafatr'i Rahalahy William Marrion Branham ity, *, dia nalaina tao amin'ny Taonan'ny Fiangonana Laodikia hita ao amin'ny bokiny mitondra ny lohateny *, izay natonta tanteraka tsy nanalana ary zarain'ny Voice of God Recordings *.***

MALAGASY

©2012 VGR, ALL RIGHTS RESERVED

Ireo teny ao amin'ny fonony aoriania dia nalainaavy tao anatin'io boky io.

Ireo Hafatra marina an-dRahalahy William Marrion Branham dia voaray tamin'ny horonam-peo, miaraka amin'ny 1100 efa azo raisina, ary nadika tsy voatonta. Maro amin'ireo toriteny ireo no natao endrika boky, natao printy tsy nanalana ary nozaraina *. Ny horonam-peo, boky, horonan-tsary, sary, ary ireo fanampim-panazavana feno mikasika ny asam-panompoany maneran-tany dia azo raisina amin'ny alalan'ny fanoratana amin'ny:*

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ny Fampitandreman'ny Fanahy Farany

Apokalypy 3:22, "Izay manan-tsofina, aoka izy hihaino izay lazain'ny Fanahy amin'ny fiangonana."

Io no fampitandremana FARANY. Tsy hisy hafa intsony. Efa tafapetraka ny efity ny seza fiandrianana. Efa voapetraka ireo fototra roa ambin'ny folo. Ireo lâlana volamena efa voarafitra. Efa mitsangana ireo varavarana perla lehibe ary voapetraka eo amin'ny saviliny. Toy ny pyramida no hitsanganany tsara tarehy sady be voninahitra. Ireo mponina ao an-danitra izay nanomana azy dia mijery tsy mahaloa-bava, satria mamarapiratra sy misy tara-pahazavan'ny voninahitra izay tsy araka ny ety an-tany eo aminy. Ny tsirairay amin'ireo hatsarany dia milaza ny tantaran' ny fahasoavana mahagaga sy ny fitiavan'i Jesosy. Tanàna voahomana ho an'ny vahoaka voahomana izy. Tsy miandry afa-tsy ny mponiny sisa izy, ary tsy ho ela dia hameno ny lâlany amin'ny fifaliana izy ireo. Eny, io no antso farany. *Tsy hiteny amin'ny taona hafa intsony ny Fanahy.* Tapitra ireo taona.

Fa misaotra an'Andriamanitra, fa amin'izao fotoana izao, dia mbola tsy tapitra io taona io. Mbola miantso mafy Izy. Ary ny Antsony dia tsy ao amin'ny sofina ara-panahin'ny olona fotsiny ihany amin'ny alalan'ny Fanahiny, fa tonga eto an-tany indray ny mpaminany anankiray. Hanambara ny marina indray mandeha indray Andriamanitra toy izay Nataony tamin'i Paoly. Amin'ny andron'ny iraka fahafito, amin'ny andron'ny Taona Laodikia, dia hanambara an'ireo zavamiafin'Andriamanitra toy ny nanambarana tamin'i Paoly ny irany. Hiteny izy, ary ireo izay handray an'io mpaminany io amin'ny anarany manokana no handray an'ireo tombontsoa miantraika amin'ny asampanompoan'io mpaminany io. Ary ireo izay hihaino azy dia hotahiana ka ho tonga ampahan'io ampakarina amin'ny andro farany izay voalaza ao amin'ny Apokalypy 22:17, "Ny Fanahy sy ny ampakarina manao hoe avia." Ny voam-bary (ny Ampakarina-Vary) izay nilatsaka tamin'ny tany tao Nicee dia niverina ho Teny Voa tany am-piandohana indray. Deraina mandrakizay anie Andriamanitra. Eny, henoy ny tena mpaminanin'Andriamanitra izay miseho amin'izao andro farany izao. Izay lazainy avy amin'Andriamanitra, no holazain'ny ampakarina. Ny Fanahy sy ny mpaminany ary ny ampakarina dia hilaza zavatra mitovy. Ary izay holazain'izy ireo dia ho izay efa voalazan'ny Tenin'Andriamanitra. Hoy izy ireo ankehitriny, "Mialà eo aminy ianareo ankehitriny ka misaraha aminy." Efa nivoaka ny antso. Mbola mivoaka ny antso. Mandra-pahoviana no hiantso ilay feo? Tsy mahalala isika, fa zavatra iray izay fantatsika, dia tsy ho ela intsony io, satria ity no taona farany.

Izay manan-tsofina, aoka izy hihaino izay lazain'ny Fanahy amin'ny fiangonana. Niteny ny Fanahy. Ilay masoandro mody dia efa hilentika ao amin'ny mandrakizay ho an'ireo taonan'ny fiangonana. Dia hifarana ny zavatra rehetra. Amin'izay dia ho tara loatra ny fahatongavana. Fa raha mba nisy tamin'ireo zavatr'Andriamanitra nahakasika anareo tamin'ny alalan'ny Fanahiny, dia enga anie ianareo ankehitriny mba hitodika eo Aminy amin'ny fibebahana ka hanome ny fiainanareo ho Azy mba Hahafahany hanome anareo ny fiainana mandrakizay amin'ny alalan'ny Fanahiny.

“HOY NY TOMPO HOE”

“ny feon’ny iraka fahafito”

**“mpaminany-iraka anankiray
amin’izao taona izao”**

“ny herin’ny tsy mety diso”

**“ny asa-panompoana ara-paminanian’ny
vato tendrony”**

“mpaminany iraky ny Apokalypsy 10:7”

“mitovy amin’ny Malakia 4:5-6”

“nohamarinin’Andriamanitra”

“noprofoin’ny Fanahy”

“ilay mpialoha lèlana ny Fihaviany faharoa”

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org